



Broj: 01-50-1-962-1/06.
Sarajevo, 11. januara 2007.

**Z A P I S N I K
Konstitutivne sjednice Predstavničkog doma
Parlamentarne skupštine
Bosne i Hercegovine**

Konstitutivna sjednica Predstavničkog doma počela je 20. novembra 2006. godine u 11,20 sati. Prisustvovalo je 39 poslanika. Opravdano su izostali: Branko Dokić, Vahid Hećo i Milorad Živković.

Osim novoizabranih poslanika, sjednici su prisustvovali:

- predsjedavajući i članovi Predsjedništva BiH,
- predsjedavajući Vijeća ministara BiH i jedan broj članova Vijeća ministara BiH,
- Visoki predstavnik za Bosnu i Hercegovinu sa saradnicima,
- šef Delegacije Evropske komisije u BiH,
- šef Misije OSCE-a sa saradnicima,
- ambasadori Hrvatske, Slovenije, Srbije, Rumunije, Njemačke, Danske, Austrije, Slovačke, Italije, Turske, Grčke, Mađarske, Bugarske, Poljske, Rusije, Malezije, Irana, Holandije i Norveške,
- zamjenici ambasadora Narodne Republike Kine i Velike Britanije,
- predstavnik nevladine organizacije Centar civilnih inicijativa.

Sjednicom je predsjedavao Ekrem Ajanović, najstariji poslanik u ovom sazivu.

Na početku sjednice, nakon što je pozdravio sve prisutne poslanike i goste, privremeni predsjedavajući pročitao je listu poslanika koji su izabrani u Predstavnički dom Parlamentarne skupštine Bosne i Hercegovine na Općim izborima, održanim 1. oktobra 2006.

Sačinjeno po abecednom redu, po strankama i entitetima, predsjedavajući je pročitao listu novih poslanika kako slijedi:

IZ FEDERACIJE BOSNE I HERCEGOVINE:

Stranka demokratske akcije:

1. HALID GENJAC
2. BAKIR IZETBEGOVIĆ
3. SEAD JAMAKOSMANOVIĆ
4. BAJAZIT JAŠAREVIĆ
5. ŠEMSUDIN MEHMEDOVIĆ
6. EDIN MUŠIĆ
7. HUSEIN NANIĆ
8. ŠEFIK DŽAFEROVIĆ

Stranka za Bosnu i Hercegovinu:

9. EKREM AJANOVIĆ
10. AZRA ALAJBEGOVIĆ
11. SADIK – SADO BAHTIĆ
12. BERIZ BELKIĆ
13. AZRA HADŽIAHMETOVIĆ
14. VAHID HEĆO
15. MEHMED SULJKANOVIĆ

SDP - Socijaldemokratska partija BiH - Socijaldemokrati:

16. DENIS BEĆIROVIĆ
17. SELIM BEŠLAGIĆ
18. ZLATKO LAGUMDŽIJA
19. JOZO KRIŽANOVIĆ
20. MIRJANA MALIĆ

HDZ -hrvatska koalicija HNZ:

21. BORJANA KRIŠTO
22. NIKO LOZANČIĆ
23. DRAGAN VRANKIĆ

Hrvatsko zajedništvo (HDZ 1990.HZ-HSS-HKDU-HDU-Demokršćani):

24. MARTIN RAGUŽ
25. VINKO ZORIĆ

DNZ BiH - Demokratska narodna zajednica

26. RIFAT DOLIĆ

Narodna stranka radom za boljitak

27. JERKO IVANKOVIĆ LIJANOVIĆ

BPS - Bosanskohercegovačka patriotska stranka Sefer Halilović

28. SEFER HALILOVIĆ

IZ REPUBLIKE SRPSKE:**Savez nezavisnih socijaldemokrata - SNSD - Milorad Dodik:**

1. SLAVKO JOVIČIĆ – SLAVUJ
2. DRAGO KALABIĆ
3. MILICA MARKOVIĆ
4. LAZAR PRODANOVIĆ
5. SNJEŽANA RAJILIĆ
6. MILORAD ŽIVKOVIĆ
7. NIKOLA ŠPIRIĆ

SDS - Srpska demokratska stranka:

8. SAVO ERIĆ
9. MOMČILO NOVAKOVIĆ
10. MIRKO OKOLIĆ

PDPRS - Partija demokratskog progresa RS-a

11. BRANKO DOKIĆ

DNS – Demokratski narodni savez

12. HADŽI JOVAN MITROVIĆ

SDA - Stranka demokratske akcije
13. SADIK AHMETOVIĆ

Stranka za Bosnu i Hercegovinu
14. REMZIJA KADRIĆ

Poslije čitanja liste poslanika, privremeni predsjedavajući podsjetio je da je u pripremi Konstitutivne sjednice održan konsultativni sastanak s predstavnicima parlamentarnih stranaka, na kojem je dogovoren termin održavanja sjednice i dnevni red. Zatim je privremeni predsjedavajući, u skladu s čl. 3, 4. i 6. stav 2. Poslovnika Predstavničkog doma, za Konstitutivnu sjednicu iznio sljedeći

D N E V N I R E D

1. Davanje svečane izjave poslanika,
2. Izbor predsjedavajućeg, prvog zamjenika predsjedavajućeg i drugog zamjenika predsjedavajućeg Predstavničkog doma,
3. Izbor članova Komisije za pripremu izbora Vijeća ministara BiH.

O dnevnom redu nije bilo rasprave, pa se odmah prešlo na rad.

Ad – 1. Davanje svečane izjave poslanika

Svečanu izjavu dali su svi prisutni poslanici i tako preuzeli svoja prava i obaveze. Zbog odsustva, svečanu izjavu nisu dali poslanici Milorad Živković, Vahid Hećo i Branko Dokić.

Ad – 2. Izbor predsjedavajućeg, prvog zamjenika predsjedavajućeg i drugog zamjenika predsjedavajućeg Predstavničkog doma

Privremeni predsjedavajući podsjetio je poslanike na odredbe Poslovnika kojima se regulira izbor predsjedavajućeg i njegovih zamjenika, a nakon toga pozvao poslanike da iznesu prijedloge kandidata.

Prvi se za riječ javio Nikola Špirić. On je, u ime SNSD-a, predložio da se poslije davanja svečane izjave napravi pauza sve dok lideri političkih stranaka ne izađu s imenima kandidata koji će rukovoditi Domom i parlamentarnom većinom koja će činiti Vijeće ministara BiH, kako bi u naredne četiri godine imali efikasnu vlast koja će biti odgovorna za situaciju u Bosni i Hercegovini. Predložio je da u tom smislu Dom donese radni zaključak kojim će se reći da su lideri političkih stranaka dužni do srijede (27.12.2006.) postići i objaviti dogovor o tome koje će stranke činiti parlamentarnu većinu i u Vijeću ministara BiH i u Predstavničkom domu.

Šefik Džaferović je u svojoj diskusiji podsjetio da je 8. novembra 2006. održan konsultativni sastanak s predstavnicima parlamentarnih stranaka, na kojem je, u skladu s Poslovníkom, konstatiran dnevni red Konstitutivne sjednice, izražavajući razočarenje spoznajom da postoje stranke koje danas nisu spremne za završetak posla na Konstitutivnoj sjednici. Rekao je, uz ostalo, da misli da izbor rukovodstva Doma i Komisije za pripremu izbora Vijeća ministara BiH ne bi trebalo da bude usko vezan za izbor izvršne vlasti i naglasio da je državi što prije potrebna vlast koja je legitimirana na posljednjim izborima.

Beriz Belkić je, u ime Stranke za BiH, uz ostalo rekao da su oni danas došli spremni da predlažu kandidate i da se o kandidatima određuju. U vezi s prijedlogom Nikole Špirića, iznio je mišljenje da on smatra da Špirić ima argumentaciju za svoj prijedlog, ali je prigovorio što to nije rečeno prije dva-tri dana da se ne dolazi na sjednicu kako bi bili racionalniji.

Momčilo Novaković rekao je, uz ostalo, da je neozbiljno što je sazvana današnja sjednica a da prethodno nije izvršen dogovor o kandidatima. Naglasio je da poslanici SDS-a neće podržati prijedlog radnog zaključka i da misle da je ovo već dovoljno upozorenje političkim strankama da ovom pitanju poklone mnogo više pažnje nego što su to do sada radili.

Nakon rasprave, privremeni predsjedavajući dao je kraću pauzu i pozvao predstavnike parlamentarnih stranaka na konsultacije.

Nakon pauze, privremeni predsjedavajući obavijestio je prisutne da je u pauzi postignut određeni dogovor, a da od predlagača odgađanja sjednice očekuje da preduzme sve kako bi se sjednica što prije nastavila i kvalitetno završila.

Zlatko Lagumdžija javio se za riječ i, uz ostalo, rekao da se poslanici SDP-a ne slažu s prijedlogom zaključka. Naglasio je da predlagači imaju većinu koja će se saglasiti da se sjednica odgodi za dva dana, ali da se ne pomisli da su svi jednoglasni u tome, jer su poslanici SDP-a spremni da se rad nastavi i smatraju da je nepotrebno odgađanje.

Privremeni predsjedavajući konstatirao je da se većina predstavnika stranaka saglasila da nema potrebe donositi nikakav zaključak, već da je dogovoreno da se sjednica prekine i nastavi 24. novembra u 11 sati.

Ovim je, u 12,30 sati, završen prvi dio Konstitutivne sjednice Predstavničkog doma.

Nastavak Konstitutivne sjednice održan je 11. januara 2007., s početkom u 10,05 sati. Prisustvovali su svi poslanici.

Kao gosti prisustvovali su:

- predsjedavajući i članovi Predsjedništva BiH,
- predsjedavajući Vijeća ministara BiH i jedan broj članova Vijeća ministara BiH,
- prvi zamjenik Visokog predstavnika za Bosnu i Hercegovinu sa saradnicima,
- šef Delegacije Evropske komisije u BiH,
- viši zamjenik šefa Misije OSCE-a u BiH,
- šef Misije OSCE-a sa saradnicima,
- ambasadori Hrvatske, Slovenije, Srbije, Rumunije, Njemačke, Bugarske, Poljske, Rusije, Austrije, Slovačke, Mađarske, Grčke, Danske, Kine, Irana, Holandije, te zamjenik ambasadora Norveške,
- predstavnici NDI,
- predstavnik nevladinih organizacije - Centar civilnih inicijativa, Centar za promociju civilnog društva, Uruženje poljoprivrednika, Udruženje nezaposlenih i dr.

Privremeni predsjedavajući Ekrem Ajanović je na početku sjednice pozvao tri poslanika koji nisu prisustvovali prvom dijelu sjednice da daju svečanu izjavu.

U okviru prethodnih pitanja, svečanu izjavu dali su: Branko Dokić, Vahid Hećo i Milorad Živković.

Zatim je privremeni predsjedavajući podsjetio poslanike da je sjednica prekinuta na 2. tački, pa će se tako na nastavku sjednice razmatrati:

- Izbor predsjedavajućeg, prvog zamjenika predsjedavajućeg i drugog zamjenika predsjedavajućeg Predstavničkog doma i
- Izbor članova Komisije za pripremu izbora Vijeća ministara BiH.

Ad – 2. Izbor predsjedavajućeg, prvog zamjenika predsjedavajućeg i drugog zamjenika predsjedavajućeg Predstavničkog doma

Privremeni predsjedavajući je i ovog puta poslanike podsjetio na odredbe Poslovnika kojima je reguliran izbor rukovodstva Doma, pa je pozvao poslanike da iznesu prijedlog kandidata za predsjedavajućeg, prvog zamjenika predsjedavajućeg i drugog zamjenika predsjedavajućeg Predstavničkog doma.

Azra Hadžiahmetović je za predsjedavajućeg Predstavničkog doma predložila Beriza Belkića, pročitala njegovu biografiju i kazala da je biografija spremna da se podijeli poslanicima.

Snježana Rajilić je za prvog zamjenika predsjedavajućeg predložila Milorada Živkovića i također pročitala osnovne biografske podatke.

Borjana Krišto predložila je Niku Lozančića za drugog zamjenika predsjedavajućeg, uz iznošenje kraćih biografskih podataka.

U okviru predlaganja kandidata diskutirali su: Jozo Križanović, Zlatko Lagumdžija i Momčilo Novaković.

Jozo Križanović ukazao je na potrebu poštovanja Poslovnika Doma, pa je, uz ostalo, rekao da prema Poslovniku, privremeni predsjedavajući nije bio nadležan da otkazuje zakazanu sjednicu i da zakazuje novi termin.

Ekrem Ajanović odgovorio je da je radio u skladu s Poslovníkom i da nadležnosti privremenog predsjedavajućeg traju sve dok se ne izabere rukovodstvo Doma. A što se tiče sazivanja nastavka sjednice, nije se mogla sazvati dok se ne formira skupštinska većina, rekao je, uz ostalo, Ekrem Ajanović.

Na izlaganje Ajanovića replicirao je Zlatko Lagumdžija.

Momčilo Novković je, uz ostalo, rekao da će SDS djelovati kao opoziciona stranka u ovom mandatu, te da oni zbog toga nemaju kandidata i da iz istog razloga neće podržati predloženi sastav Kolegija. Iznio je i mišljenje da stranke koje će činiti parlamentarnu većinu nisu garancija da će ovaj dom uraditi valjano posao koji je pred njim.

Zaključujući raspravu, privremeni predsjedavajući konstatirao je da je predložen samo po jedan kandidat za sve tri dužnosti u Domu, pa da se, stoga, odmah može preći na glasanje.

Za riječ se, međutim, javio Zlatko Lagumdžija rekavši da iznosi poslovničku intervenciju, jer je Snježana Rajilić, iznoseći prijedlog kandidata, kazala da će biti pauza i da će se poslanicima dostaviti biografije kandidata, te da je i Azra Hadžiahmetović obavijestila da ima biografiju kandidata Stranke za BiH. Zatražio je da se poslanicima dostave biografije predloženih kandidata i da se radi po Poslovníku.

Ekrem Ajanović odgovorio je da još nisu formirani klubovi poslanika jer je ovo konsitutivna sjednica, te da zato zahtjev za pauzu nije poslovnički.

Slavko Jovičić podržao je ovaj stav privremenog predsjedavajućeg i usprotivio se zahtjevu za pauzu.

Povodom intervencije Zlatka Lagumdžije, kraće su govorili Beriz Belkić i Sadik Bahtić.

Poslije rasprave privremeni predsjedavajući konstatirao je da je za rukovodstvo Doma predložen po jedan kandidat, i to:

- Beriz Belkić, za predsjedavajućeg,
- Milorad Živković, za prvog zamjenika predsjedavajućeg i
- Niko Lozančić, za drugog zamjenika predsjedavajućeg.

Zatim je o predloženim kandidatima proveo glasanje u skladu s Poslovníkom.

U prvom krugu za Beriza Belkića glasalo je 29 poslanika, protiv je glasalo osam, suzdržala su se četiri poslanika. Prilikom glasanja u drugom krugu po entitetima, iz Federacije BiH za je glasalo 20, iz RS-a 10 poslanika.

Za Milorada Živkovića u prvom krugu glasalo je 30, protiv šest, suzdržalo se šest poslanika. Po entitetima, u drugom krugu glasanja iz Republike Srpske za je glasalo 10, iz Federacije BiH 21 poslanik.

Za Niku Lozančića u prvom krugu glasalo je 30, protiv devet, suzdržala su se tri poslanika. Po entitetima, iz Federacije BiH za je glasalo 18, iz Republike Srpske 10 poslanika.

Poslije ukupnog glasanja privremeni predsjedavajući konstatirao je da je izabrano rukovodstvo Predstavničkog doma kako slijedi:

- Beriz Belkić, za predsjedavajućeg,
- Milorad Živković, za prvog zamjenika predsjedavajućeg i
- Niko Lozančić, za drugog zamjenika predsjedavajućeg.

Ovim je realizirana 2. tačka dnevnog reda Konstitutivne sjednice. Ekrem Ajanović čestitao je novoizabranom rukovodstvu Doma i pozvao ih da preuzmu predsjedavanje Domom.

Nakon što su članovi Kolegija Doma zauzeli svoja mjesta, predsjedavajući Beriz Belkić pozdravio je sve prisutne poslanike i goste, a zatim zahvalio Ekremu Ajanoviću na uspješnom vođenju prvog dijela Konstitutivne sjednice. Također je zahvalio Kolegiju Doma prethodnog mandata na uspješnom radu. Zatim je predsjedavajući Belkić, u ime novog Kolegija Doma, zahvalio na ukazanom povjerenju rekavši, uz ostalo, da će se truditi i učiniti sve da Predstavnički dom vode u skladu s Ustavom BiH i Poslovníkom, kao i na stvaranju atmosfere razumijevanja u kojoj će jedni druge poštovati i kroz zajedničke aktivnosti dolaziti do najboljih mogućih rješenja za sve građane Bosne i Hercegovine.

Nakon ovih prigodnih riječi predsjedavajući Doma Beriz Belkić prešao je na realizaciju 3. tačke dnevnog reda.

Ad – 3: Izbor članova Komisije za pripremu izbora Vijeća ministara BiH

U uvodnim napomenama predsjedavajući Belkić pročitao je ranije prispjele prijedloge kandidata za članove ove komisije.

Na sjednici je Borjana Krišto za člana Komisije iz HDZ-HNZ predložila Dragana Vrankića, a Jozo Križanović iz SDP-a Zlatka Lagumdžiju.

Nije bilo rasprave, pa je predsjedavajući odmah dao na glasanje prijedloge kandidata za članstvo u pomenutoj komisiji.

Jednoglasno su za članove Komisije za pripremu izbora Vijeća ministara BiH izabrani:

1. Halid Genjac,
2. Azra Alajbegović,
3. Lazar Prodanović,
4. Zlatko Lagumdžija,
5. Mirko Okolić,
6. Dragan Vrankić,
7. Vinko Zorić,
8. Rifat Dolić,
9. Jerko Ivanković Lijanović,
10. Sefer Halilović,
11. Branko Dokić,
12. Hadži Jovan Mitrović.

Beriz Belkić konstatirao je da je realiziran dnevni red Konstitutivne sjednice i članove Komisije pozvao da u pauzi održe sjednicu, izaberu predsjedavajućeg i dva zamjenika, a nakon toga razmotre Odluku Predsjedništva BiH o imenovanju predsjedavajućeg Vijeća ministara BiH i Domu podnesu svoje mišljenje s preporukom.

Na kraju, predsjedavajući Belkić podsjetio je poslanike da je u pozivu za nastavak Konstitutivne sjednice nagoviještena mogućnost održavanja 2. sjednice Doma, na kojoj bi se odobrilo imenovanje predsjedavajućeg Vijeća ministara BiH kako bi se ubrzalo formiranje izvršne vlasti, te eventualno izabrali članovi jednog broja stalnih komisija Doma. Zatim je kao predsjedavajući, u skladu s Poslovníkom, sazvao 2. sjednicu Doma istog dana u 13 sati, a članove Kolegija Doma pozvao da u pauzi održe sjednicu Kolegija, a po mogućnosti i sjednicu Proširenog kolegija.

Ovim je, u 11,20 sati, završena Konstitutivna sjednica Predstavničkog doma. Sastavni dio Zapisnika je transkript Konstitutivne sjednice.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
Beriz Belkić